



10070

山左明詩鈔卷第二十四

傅光宅 六十二首



光宅字伯俊號金沙聊城人萬歷丁丑進士官

四川按察副使有傅伯俊詩草山東通志光宅為御史時宦官

權秘臨清聞閩騷動疏陳其狀坐左遷為文疏

麗似蘇公詩在岑孟之間 詩選傳云伯俊負

意氣通禪理為通人所稱 謝在杭云伯俊之

詩出於性情而不出於豪舉求之醞釀而不求

之纖穠其在近代則季迪

舟夜有懷

水澹沙月寒蒹葭露華白長波搖秋聲漫漫空日夕浮雲西北馳河漢渺難即風吹孤鴻音惆悵此行役

舟中待友人

三月詩鈔卷二十四

烟樹澹微月水風生夜涼扁舟垂楊岸葭菼何蒼蒼尊酒欲斟酌孤琴倚徬徨佇立望美人露下霑衣裳

過呂梁

孤城背蒼山片帆揚素秋倚篷豁遠目落日蒹葭愁懸水三十仞此日成安流滄桑寧可知歲月空悠悠

舟行晚色

夕陽隔重山秋江寫長鏡天宇湛空明船窗愛虛映焚香讀禪經悠然見真性于茲謝塵囂齋心事究竟坐照五陰空身世永清淨

春日弔李姬墓

去年此日長安道香車寶馬風光好今年此日弔荒原

東風孤塚生春草李白桃紅歲歲新今年不見去年人  
杜鵑聲裏斜陽路獨自傷心淚滿巾

夜宿桃源卽事

秋風颯颯吹枯樹潮滿平沙鴈飛去人家路入蘆葦花  
行客空疑避秦處孤舟欹枕大河湄細雨寒更出縣遲  
月黑荒鷄啼夜半開帆莫辨水東西

贈別顧山人山甫

顧君家住湖水邊數椽茅屋青山連姓名不落世人耳  
遠隔塵市三十年媿我何能致爾來儼然言偃逢澹臺  
相思頗寄白雲句嘯傲同傾明月杯吾亦渾忘身作吏  
布衣聊共船頭醉醉後寧能泣路岐蕭然行色別江湄  
從今風雪長安道君臥空山那得知

贈別王州倅元靜

王猷興不盡送別江上山憑高一以眺身世浮萍閒傾  
此離觴各適發我逐風塵君明月君家舊住石湖傍兩  
年幾度登君堂有田在水貧刺骨尙能割鮮壓酒勸客  
嘗嗟嗟王君家世俱國士怪來意氣恒相似我謁明光  
還復來湖頭蓮葉青錢開柳下重艤越溪棹與君長嘯

吳王臺

發湘陰

春曉發湘陰山行思轉深花含昨日雨鳥作故鄉音樵  
子下松徑田家依竹林平生愛隱逸白首違初心

薊門早發

吹角下殘月山城聞曙鷄晴雲開曉樹宿雨漲春溪水  
照歸鴻影花香去馬蹄年年征戍客辛苦薊門西

潤州雨後

春風吹夜雨江上旅愁深未遂冥鴻志空悲老驥心已  
甘時共棄况乃病相侵歸去東園柳新鶯欲滿林

岳陽樓

飛閣千峯擁晴湖一鏡開波光浮日遠帆影自天來巫  
峽分春水君山落晚杯江聲流日夜東去幾時迴

宿寶應

危檣殘下日遠浦暮鐘微月白波聲小秋深鴈影稀葉

隨風自落雲與夢俱飛北客遊方倦孤城又搗衣

懷汪伯耳

逐客無消息憑誰問死生春風草又綠夜雨夢難成瘴  
癘開文藻交游避姓名百年能再見重與續鷗盟

留別狄明叔汝陽別業二首

來此便難去况茲遠別離晴雲落日檻春鳥鳴深枝暫  
醉月明夜相思花好時誰能當晚歲千里負心期

風烟怯遠程蘿薜合深情每見鏡中髮因輕身外名天  
空一杯酒雲隔九重城從此成真隱鷗羣許結盟

送方胥成之雲中

邊庭久無戰壯士心飛揚落日萬山暝寒雲千里長寶

刀明意氣尊酒見肝腸寄語持籌者深憂未可忘

夜起

夜暑苦不寐夙興步前軒風微樹聲寂雲密天宇昏靜  
勝理自愜默藏神乃存無端坐擾擾媿此平生魂

晚次將軍關

邊城寒日落吹角滿秋天遠出飛狐道還經飲馬泉荒  
原生野燒廢壘起炊烟關塞時多難歸期未計年

月下與伯耳言別

春空明月滿照此萬里心暫以青山色留君白雪音江  
從揚子關路入桂林深應待秋風發相期汶水陰

歸思

崖明詩鈔卷五

四

爲官老不耐作客病難支江遠風濤險天高雨露遲孤  
舟魂斷夜千里歲殘時沂水堪行樂春來物自私

早發古北口

馬首濕繁露驅車度隴長朔雲陰不雨邊月冷於霜苦  
戍愁吹角高原一望鄉蕭蕭鴻鴈影何事獨南翔

過洞庭

孤棹向何處茫茫春霧深波瀾迷上下天地自浮沈帆  
近聞人語涯空絕鳥音飄然坐篷底一片五湖心

過東阿喬年丈城西別業

青山傍城郭下有好園林泉石淨春色松蘿深晚陰清  
言入名理淺酌散幽襟離關復自此悠悠雲水心

廣陵元宵

花月古揚州元宵負勝遊笙歌十萬戶雲水一孤舟誰倚青樓醉吾聞白苧愁隋宮何處是樹影尙迷留

送內兄呂心和將軍戍薊門

御戎無上討守國在長城版築千山動烽烟萬里清綠尊堪送客白髮敢論兵珍重霜華落登樓望旆旌

潞河阻風

水淺風仍阻孤舟意若何霜來孤塞早雲傍鳳城多白髮慚軒冕青山有薜蘿夜深愁不寐寒月下滄波

代妾

妾命眞成薄妾心空自持傷離成怨恨多病憶恩私寒

宏明詩鈔卷五

五

八孤衾易春來遠道遲不堪憔悴影淚盡晝眉時

臨鏡美人同黃太史平倩賦二首

鉛華牽遠思粧罷轉遲疑明月梨花色清江菡萏枝自憐孤影在難信兩心知不盡新來恨雙蛾淺畫時

可是偷靈藥嬋娟八月月中未知身是幻誰道色爲空笑喜花相近鬢疑黛未工誰言顧影者夫去首如蓬

大觀亭

日出江逾淨烟消山轉深輕舟度枉渚幽鳥隔深林共羨爲園者誰知抱甕心送迎頻此地小坐亦開襟

長蘄寺

烟雨空山寺夜郎車馬遲春泉落危石夕鳥鳴深枝民

散勞安集僧貧說亂離雲寒鐘磬寂愁坐鬢成絲  
綏陽贈榮昌徐令

山多易爲雨蠻鄉二月寒田荒新戶少戰後舊家殘窮  
獸竄猶噬春禽栖未安均輸勤遠使曉夜度前灘

小病同伯耳作

白髮堪爲郡夜郎烟雨中遊因久客倦病與故人同花  
落春寒重山深夕照空擁衾念鄉國夢到海雲東

播州清明

清明寒自苦雲暗雨絲絲山曉樹無影城春花幾枝鳥  
歸戎馬後人憶綺羅時爲想鄉園日西郊載酒遲

巫山

山明詩鈔卷十四

六

會讀高唐賦深憐宋玉才孤舟輕楚甸片雨下陽臺世  
事夢中盡江流天際來蕭條千載後春至野花開

送李山人歸東蒙因寄公孝與

霜冷郊園木葉稀河梁尊酒送將歸月驚孤戍離鴻起  
雲逐千山去馬飛東海書傳公子宅西風淚落故人衣  
遙遙不見龜蒙路秋草黃花獨掩扉

宿武林昭慶寺

路轉溪橋日欲曛空林香霧晚氤氳千峯樹色迷烟雨  
萬壑鐘聲度水雲松火夜寒靈鷲影荷衣秋入野鷗羣  
懸燈獨宿虛堂靜無那清猿夢裏聞

送大宗伯于公請告歸東阿

離亭蕭索對西風一片鄉心細雨中秋草路長愁立馬  
暮雲天遠羨飛鴻敢因白髮辭明主喜見黃金賜上公  
巖壑藏書定何處穀城蒼翠遍寒空

同狄明叔張孟孺登燕子磯

燕子磯頭霽景遙江天極目水烟消風含翠竹圍空界  
雪積丹崖倚碧霄萬里帆檣連遠樹千年金粉散寒潮  
乾坤全盛惟今日海外鯨鯢未可驕

金山寺

中流潮汐漱雲根一半青山過雨痕兩岸樓臺開白晝  
孤峯鐘鼓自黃昏金沙灘外分江色寶樹行開見海門  
明月片帆何處落無生獨向野僧論

吳門別屠長卿

七

吳門別屠長卿

扁舟歸自越江濱客路逢君酒一尊白雪歌成堪墮淚  
青山何處不消魂城邊宿莽生寒燒沙上殘潮落凍痕  
無那風塵牽別思依依還向醉中論

七月五日同高司理飲大中丞憲公宅

薊北江南感舊遊巴山渝水復新秋人閒樂事休戎馬  
天上佳期近女牛山擁孤城江似帶花明別館月如鉤  
夜涼歌舞拚同醉露布遙應八鳳樓

談詩

相逢取次可論詩情盡神來豈厭遲易向尊前成漫興  
難從象外有深思雨晴春嶺雲歸處霜墮寒潭月上時

鶯囀蟬鳴各自媚希聲獨遶鳳凰枝

宿湯泉公館卻憶江南

高館臨空山山空深幾許時聞泉上聲誤作江南雨

感舊

花下門仍在尊前歌已休惟餘舊時月還上水邊樓

偶書

寒潭月影深取之不可得愛月坐潭邊無言空默默

醉中閒賦三首

竹下一尊酒燈前萬古心殷勤醉中語烟雨二更深  
幽意烟羅會閒心魚鳥知千山明月夜半醉倚樓時  
秋思滿天涯客心澹無取樓前桂子風枕上芭蕉雨

崇明詩鈔卷十四

八

花池坪卽事

生長萬山中家住白雲上咍整不知年林音作春響

尋雲臺東嶺

石田高下水烟迷茅屋參差碧澗西獨倚春林人不見  
竹鷄啼處夕陽低

遊黃山

幾開茅屋帶斜暉綠樹陰遮白板扉客到但教留一醉  
不知空翠濕人衣

過張左虞故居

夕陽秋草閉雙扉三徑重尋事已非獨倚空庭腸欲斷  
滿階黃葉雨沾衣

惠山弔顧更生墓

醉別梁溪暮雨寒重來衰草遍秋山泉臺一閉無消息  
孤鶴悲鳴夜自還

登明遠樓

樓頭尊酒對秋光樓外千峯倚夕陽正是鄉心搖落處  
西風吹鴈下寒塘

宿長沙道中山館

路轉千山日欲斜停驂空館若爲家不堪萬里思歸眼  
風雨春深見落花

山中寄胡荆甫

落日雲迷碣石宮蠻鄉烟雨晝濛濛青山此別腸堪斷

岩明詩鈔卷五

九

夢入枕柳萬樹中

懷西

青山高出白雲上人家住與白雲齊遠客舟中空極目  
松蘿飄渺夕陽低

山行口占

炊烟起處有人家絕壁重崖日易斜殘雪滿山雲氣冷  
卻憐春色在梅花

贈張星士

濯錦江頭春草生支機石畔曉雲明欲從卜肆問通塞  
白日垂簾非世情

閏二月朔

百二春光已半過  
淒風寒雨更如何  
夜郎寂寞千山裏  
鄉夢回時白髮多

鍾羽正 三十八首

羽正字淑濂號龍淵益都人萬歷庚辰進士歷

官工部尚書有崇雅堂集

明史本傳羽正授給事中屢有建白彈劾

皆當請禁朝覲餽遺言內官以外官爲奸欲仕路

清世運泰不可得也神宗是其言與同官聯疏

請皇長子出閣豫教帝怒斥爲民光宗立起太

僕卿屢遷工部尚書意者嗾羣奄索冬衣聞於

堂遂力請罷奄黨又劾其籍後復官縣志公

以立儲觸神宗怒禍且不測已免杖削籍海內

稱四大賢人公其一也後瑞禍大起公已罷歸

楊漣疏魏奄罪正色立朝之直臣云公已罷歸

必不容朝廷有正色立朝之直臣云公已罷歸

生登八座未嘗構釁涉訟自奉澹泊身服布素

常食不過二器藏書百篋丹黃殆徧所著有厚

德錄管見

錄諸書

崖明詩鈔卷三古

十

田家五首

檐際鳴晨鳩  
邱澤多春雨  
錢罇自修持  
薄言向田圃  
芄

芄麥苗秀  
甘苳菜姑吐  
庭木美方華  
鷄豚應時乳  
逍遙

步里廬  
熙然懷樂土  
耕鑿以馮生  
坦焉靡所取

皇原足時雨  
晨興赴農功  
麥熟柿花落  
氣滂泉源通  
良

苗被平疇  
油蕩和風早  
螽躍長薄  
戴勝鳴高叢  
萬物

各有適  
欣然微衷  
聞歌和田叟  
願言期始終

幽居半畝宮  
挖挖自耘植  
裊露蒔蘅蘭  
沐雨餘荆棘  
旣

云課僮僕  
復以紓筋力  
室人知我心  
操作同晦德  
灌溉  
有時剗籬畔  
相休息  
仰首聽哀蟬  
俯水窺游鯽  
清風池

上來欣然若有得。雖居貧賤中。長餘芻豢色。至樂在淡泊。  
泊迷者自不識。冥冥雲漢閒。誰復加矰弋。  
積雨彌旬朔。我圃遂已蕪。晨興自芟刈。曉露沾我襦。嫋  
嫋秋菊枝。蒿蓬共一隅。寒馨鬱未發。芳質豈復殊。汝汝  
百草閒。無乃混泥塗。感之興浩歎。搔首以躊躇。  
野老七十餘。安貧守環堵。被褐負朝暄。呼兒話田圃。田  
家良不易。所歷多甘苦。趨時憂旱荒。望歲占風雨。豐稔  
無二三。拮据十嘗五。近見諸少年。氣習漸非古。忘彼力  
食艱。甘與浮薄伍。衣馬敷紛華。蹉跎嗟何補。質朴與儂  
輕。得失竟孰愈。嗟嗟識我言。戒爾非覩縷。

東歸四首

崖明詩鈔卷五

十二

爲君旣已難。爲臣良不易。嗟予狂蕙姿。辱此封駁地主。  
德毫無補。素餐誠多愧。生讀賢聖書。嘗恐墮名義。宗祏  
事可憂。禍譴吾何避。敢云祥鳳鳴。冀免鷓梁刺。豈期引  
咎言。反觸明主恚。九閹一以排。六署紛逐棄。雖已褫衣  
冠。幸不投魑魅。恢恢天地仁。感激終不匱。駕言返故廬。  
貽蕩春方媚。鶯花滿舊畦。歡舞隨童稚。二親方倚門。見  
我笑相視。兒今好歸來。南畝堪耘植。徜徉邱壑閒。何用  
歌。鱖頰。

黃鵠凌霄飛。倏忽落釜鷲。游魚伏重淵。咄嗟麋刀砧。罟  
機奄相中。何論高與深。靡靡當世士。紛華蕩其心。一朝  
捨機獲。五鼎寧足欽。念之情內怛。揮手謝朝簪。雖無希

世資免此禍患侵九原如可作沮溺還相尋

大道日已遠季葉苦紛爭錐刀一啓釁矛戈儼相仍親  
暈懷反側骨肉恨怨生獸食且人惡脫兔猶可矜孰謂  
斯人徒而甘豺虎并誓將舍之去超然越八紘六合皆  
若喪矧彼筐篋贏寄言紛拏者身貨孰可輕

人世忽代謝俯仰成今古壘壘何者邱東風搖宿莽千  
秋萬歲人孰免歸泉下相愛復相捐神奇爲朽腐壯之  
固非宜惜之亦奚補石柳暨桐棺誰者竟爲愈念彼薤  
露詞泣涕零如雨逍遙巨墓閒無爲徒自苦

擬遊獵篇贈石棗強

偶有客言遇石君郊外方馳  
馬逐兔意甚得也感而賦之

君不見石棗強少年磊落工文章黃金殿前奏詞賦一

日聲名動帝鄉州縣徒勞不足理飄然解綬歸閭里寧  
甘寂寞老英雄傾身爲結豪俠士銀鞍白馬繡襦袴赤  
羽鷗弧兩映光左顧韓廬右海鶻風馳躑躅上南岡南  
岡狐兔多潛跡鷹攫犬搏相騰擲憑凌大叫野雲橫平  
楚蒼茫秋草白餓鴟絃響落長空鼻頭出火耳生風下  
馬割鮮嘯匹侶行炙縱橫酒波紅歸來日暮青樓道錦  
帳華衾耐醉倒探鈎對博夜沈沈妙舞清歌月皓皓人  
生適意在當年身後虛名亦枉然笑殺草元廬裏客終  
朝寂寞對殘編去歲初防汙上賊將軍相視猶敵國欲  
分一劍靜波氛掉頭不應強不得石君石君何太豪眼  
前萬事如鴻毛丈夫有日須遺際且看射雉向東臯

貽王育明

時上封事劾御  
史大夫吳不報

王給事瀟灑玉堂姿。媿來青瑣闈。坦蕩何委蛇。白眼看  
人笑。不語滿腹琅玕世。未知朝讀輞川詩。暮飲燕山酒。  
酒酣弄身璋。吾於爾何有一。一朝封事障狂瀾。寥落秋空  
振羽翰。氣奪烏臺千古壯。霜飛白簡九霄寒。天子手其  
疏。遲遲不忍發。壯士徒存叩關心。孤臣自有冲冠髮。王  
給事身不滿七尺。雄氣倒萬夫。世事茫茫已如此。與爾  
長歌醉一壺。

夏

高槐陰陰覆茅屋。方池澹澹圍疎竹。五月微薰水際來。  
清漣蕩漾搖新綠。道人散髮耽幽獨。離騷把向窗前讀。  
一聲長嘯對南山。清響泠泠驚林木。日斜臥起供茗粥。  
晚食何須美梁肉。披襟坐待晚涼生。不省人間有煩惱。

送王育明遷任大梁

秉節中原地爲君壯。此行翱翔看宦跡。去住見交情。春  
雪來梁苑。秋風出帝城。監門俠士在。虛左一相迎。

西山

珠閣鬱嵯峨。靈宮倚澗阿。石泉流水細。山路古槐多。王  
氣明郊甸。禪心淨薜蘿。遙思仙仗入。千騎擁笙歌。

註籍京邸

長夏何攸鬱。閑門自掩扃。雲來小閣暝。雨歇遠山青。謝  
客緣多病。憂時愧獨醒。匣琴還自理。苦調若爲聽。

送彭省丈出鎮天津

幾年青瑣闈聯佩共夷猶斧鉞開雄鎮舳艫擁上游  
海雲迎去旆朔雪灑征裘帝闕遙相望懷君獨倚樓

東歸二首

陶令言歸日悠悠久閉關種葵臨北牖採菊見南山  
冬嶺孤松出寒林倦鳥還濁醪時自漉不放葛巾閒  
四十行將過頭顱已可知宦情原自拙世路苦多岐  
歲月消書帙風雲入酒卮寄言同好客心賞勿相疑

開州道中

連日愁陰雪裹帷見曉晴雲開孤岫出天遠大荒平  
沙徑留人跡寒林送鳥聲悠然瞻萬里對此豁中情

岩明詩鈔卷十四

十四

閣夜

月色宜初霽松聲生夜寒幽人不成寐離思遶江干  
虛白通齋閣風霜滯羽翰乾坤寥廓意伏枕動長嘆

邑讌

縣邑宣房側嵒巖起暑樓風烟千里暮砧杵萬家秋  
山脈通王屋河流繞帝邱凭高無限意身世任沈浮

南行二首

南經沂沭道極目總荒蕪疲馬緣山徑孤鴻下水濱  
石田千里瘠茅屋數家貧野叟時相語年饑一愴神  
落日催行騎長途倦旅人已聞秋葉墜復見月華新  
遠火明村舍清霜折客巾相逢陌上者時與話風塵

金山寺

江水遶悠悠禪宮聳上游烟寒京口渡濤落廣陵秋浪  
拍石根出波沈塔影流閒情無住願勝地一淹留

秋夜

高樹颯秋聲中庭夜氣清天空涼月下露滴候蟲鳴不  
寐思前事無營信此生所欣足時雨禾黍近西成

李右史

李子侯邦雋齊藩幾歲華案明孤樹雪庭落遠山霞吏  
散徐留客官閒晚放衙笑呼從事飲不復歎長沙

雲門山

雲門出雲雲晝開中峯雲竇懸崔嵬門闢天回日月窟

山左明詩鈔卷五

五

雲生幻出金銀臺陰崖入夏飛元雪幽洞經年結綠苔  
欲喚羲和啓靈鑰卽從閭闔望蓬萊

再遊郭外

汗漫還爲郭外遊一尊攜上大堤頭橋通小市林烟合  
路入禪房竹翠幽柳岸對呼求友鳥蓮陂雙泛狎人鷗  
塵埃擾擾終何事擬向滄江理釣鈎

春晚卽事

風雨春殘獨倚樓側身吟望思悠悠長安冠蓋時多異  
海上兵戈歲未休閉戶琴書供潦倒馴階燕雀漫優游  
愁時媿乏芻蕘獻肉食諸公慎遠猷

次楊月翁感懷之作

南國樓船逐海颿青邱氛稜未全銷諸公桑梓憂非細  
大將旌旄慘不驕戰士舊推齊技擊邊城新遺霍嫖姚  
中丞定有平蠻策早靜兵戎報聖朝

夷門

落魄摧殘壯士顏昂藏俠氣老塵閒王孫車馬如流水  
誰向夷門禮抱關

昆陽鎮

笙鶴緣山事杳然仙臆遺跡竟空傳仕塗碌碌君休訝  
贏得維揚十萬錢

太和道中

層巖古樹挺槎枒翠柏蒼筠老歲華北客乍驚南路暖

皇明詩鈔卷三

十六

時時崖畔折梅花

邊行卽事三首

城頭風鼓大旗鳴城下胡兒作隊行一指雲山三百里  
邊人猶說舊開平

胡虜年來効外臣將軍談笑靜邊塵那知金玉橫腰客  
半是和戎市裏人

龍門地遠風沙勁鵬嶺秋深草木空一自翠華從此入  
至今野鳥泣西風

鍾吾

浩蕩長淮水行人心眼開寒城秋月上孤鴈與徘徊

金陵

繁華南市樓薄暮喧車馬遙聞玉樹歌烟月秦淮下

王象蒙 四首

象蒙字子正之垣從子萬歷庚辰進士官光祿

少卿 分廿餘話光祿公詩無傳本近始見手書詩一卷略存梗概弟檢討公象節少有詩

名鄭簡菴先生新城舊事載其句云古詩人來花作供孤城春盡草如煙集亦不傳

鳳音曲

鳳兮鳳兮集高岡七德九苞稱至祥五音六律鳴朝陽

鳴朝陽應明主非帝庭寧高舉

鶴鳴曲

蒼松挺挺鶴相招振翩翩翩來九霄警霜戛戛鳴九臯

鳴九臯警萬里明月來清風起

崖明詩鈔卷十四

璠琴曲

我攜綠綺奏薰風一曲相思彈未終淚垂絃絕送歸鴻

送歸鴻坐明月人不見心如結

暮雨曲

忽忽白雲羅神霄霏暮雨平河橋有美一人路迢遙

路迢遙望無極夢相見醒相憶

程紹 一首

紹字公業號肖義瑤孫萬歷己丑進士歷官工

部侍郎贈尚書有澹息居遺稿 州志公初授汝寧權官權戶科

屢劾執政私人攻其驕駁為執政所忌以諫殲稅除名家居二十餘年起官副都御史巡撫河

南精勤振刷積玩皆革會玉璽出臨漳疏言竇不在璽因薦廢斥諸賢臣魏瑤怒罷其官崇正

初起工部侍郎乞休歸

### 壽康驥漢八袞

槐里逍遙賦考槃日長山靜蔚琅玕湘中芳韻蘭爲佩  
柱下威稜鐵作冠浩氣丹心偏耐老明霞翠柏更宜寒  
行開九袞春如海菊水泉香好侑餐

孫善繼一首

善繼字達甫號卻浮掖縣人萬歷己丑進士官

工科都給事中

王西樵云黃門風流豪宕聲藉一時而篇什少傳長歌一首刻

石林觀祭園中予與賚上讀而錄之舉以問人鮮有知者正竟陵所云天風醉花鳥此語無人讀也

### 吳生窟室書松歌

崑明詩鈔卷三

六

吳生畫松真奇絕鐵幹龍鱗枝糾結風毛瑟颯看欲動  
陰崖六月生霜雪孤根踞石陰寒泉突然縮出徂徠山  
懸蘿挂薜惹烟霧歲深積蘚古連錢疑是仙槎斗邊落  
傳聞頻下青田鶴閒聽笙簧滌世情驚濤忽起轉相愕  
吁嗟乎窟室松曷不亭亭直逼丈人峯胡爲乎屈曲偃  
臥一洞中雲鎖洞門識松意避秦不受大夫封請君莫  
爲山松惜山深翻逃斧斤戾一任羣卉競芳歇貞心不  
改歲寒碧吁嗟乎窟室松下有斗大如雪茯苓生長鏡  
斲取千年質由來此物通仙靈飽服大藥松底睡醒來

一嘯萬山青

卷中立一首

中立字與權聊城人萬歷己丑進士官兵科給

事中贈光祿少卿所著有居易齋詩明史本傳中立遇事

敢言抗疏留高攀龍又疏爭願憲成之斥謫居二十餘年而卒

### 石碣阻雨

風雨連暮朝白日冥岡巒衆鳥藏深枝萬木號雲端山  
高石磴滑百丈懸鳴湍游子悲遠道中夜起長嘆支離  
笑此軀未老驚衰殘身外竟何有惟餘寸心丹憶昨侍  
瑣闥不敢安素餐志欲扶忠直庶可廻狂瀾誠微難動  
主薄謫誠爲寬但念君恩重寧辭行路難

### 王業宏一首

業宏字又毅安邱人萬歷己丑進士官太僕少

宏明詩鈔卷五

九

### 卿

### 同陳憲副過少林寺

攬轡過中山琳宮駐節攀上方參法象傍壁覓元關老  
樹千年外禪機方寸閒靈光無歇滅常日照人寰

### 馬應龍四首

應龍字伯光安邱人萬歷壬辰進士官禮部郎

中續安邱志應龍生有異質問學博通爲諸生時父中丞公文煒作邑志以命應龍論著創定有良史風所著杞乘四十八卷詞林玉屑二卷及詩文若干卷他著又數十卷

### 春興

朝來南陌上春草何芊芊好鳥弄其音宛在芳樹巔良  
人隔千里對此摧心肝黃雲飛塞上春盡天猶寒不惜

芳菲歇。惟愁于役難。何時當來歸。慰此平生歡。

送友之雲夢

二澤雄江漢。孤帆發上遊。相逢原逆旅。恨別各驚秋。風  
曳蟬聲細。波搖鴈影浮。那堪回首處。雲滿仲宣樓。

詠柳

自愛腰肢細。還憐眉黛彎。隴頭迷歲月。笛裏憶悲歡。披  
拂黃金縷。飄零白玉闌。葉砧空塞外。攀折淚潛潛。

送鄭室甫歸省

江南芳樹滿。江干東海明珠重。木難道合越人期。戴笠  
時來貢禹共。彈冠霜風落葉啼。寒鴈秋水行舟賦。澧蘭  
君到親闈定。回首五雲直北望長安。

史明詩鈔卷三

三

張延登一首

延登字濟美。號華東。鄒平人。萬歷壬辰進士。歷

官右都御史。贈太子太保。諡忠定。所著有詩文

二十卷。山東通志延登合內黃有惠政。擢兵垣。入浙。延登督兵。滅之以功顯焉。

園中小閣納涼

樸眼濃陰綠。上衣納涼閣。上對霏霏六。安新茗煎香。雨  
挂起疎簾。透翠微。

龍磨角用雪蓑韻

一水涓涓鑿谷口。東風吹盡改南薰。老龍何日磨雙角。  
穿破頰山兩道雲。

畢自嚴二首

自嚴字景曾號白陽木子萬歷壬辰進士歷官

戶部尚書加太子太保贈少保有石隱園藏稿

明史本傳自嚴巡撫天津置水軍繕戰艦備戎器事事整飭用來勦行監軍平白蓮功爲多又爲督餉侍郎兼巡撫事因地震數進直言皆不見納崇禎初起戶部尚書陳十二事立見允行中旨數發奏答無滯不敢安寢頭目爲腫而事以無乏後以失上意致仕歸

留計移疾獲請詠懷

觀光忝昔幸解組嫌今遲自嗟薑桂性兼之蒲柳姿七尺根承匱四牡幾載馳晚荷儲精寄尋綴紀綱司未幾叨敷擾奚以報鴻慈祿厚責彌重汲深綆難支勛力空殫竭膏盲悲暗滋匡弼况未效其如青史嗤坐是乞鑑

宏明詩鈔卷五

三

謝北山移

途次和張同年咏桃花

綠楊春樹蔭芳隣中有天桃別樣新馬上不煩頻指點好花應笑白頭人

遊青雲寺

翠嶽深山裏青雲傍紫霞如來禪土淨釋子梵音嘉缺月孤峯影堆金滿岸花平臺當落照轉覺興無涯

王象節一首

象節字子度象蒙弟萬歷壬辰進士改庶吉士

授檢討

按分甘餘話記檢討詩一聯已見光祿小傳下於館課得數首錄存其一

秋雨卽事

秋爽時雨零抽毫思不勝洗兵占曉發濡稼喜年登塵  
淨黃扉敞波微太液澄重陰看漸霽擬賦日方升

張三極二首

三極臨清人萬歷壬辰進士官教授

雨後過王明府

豈謂金門客能兼大隱名庭空歌鳥下吏散酒人迎綠  
水新添砌青山半入城還將江上楫聊爲采真行

新秋集顯靈宮分得堦字

崑明詩鈔卷十四

三

物外逢迎好雲林徂暑時鳥聲移暮樹鶴影上秋堦捲  
幕開花薦分觴泛羽卮晚涼堪入醉莫遣酒行遲

潘榛一首

榛字茂昆鄒縣人萬歷壬辰進士官山西按察

副使

題恩縣高閣

縹緲渾疑天咫尺飛空雲色漫相連樹籠周道行人度  
河帶玉畿估客還齊地重關仍十二平原朱履故三千  
眼中今古知多少此日登臨一慨然

山左明詩鈔卷第二十四

山左明詩鈔卷第二十五

于若瀛三十三首

若瀛字文若號念東濟寧衛人萬歷癸未進士

歷官巡撫陝西僉都御史贈副都御史謚襄敏

有弗告堂集

山東通志若瀛在陝大瑞梁承誣陷知縣滿朝薦下獄抗疏力辨所

拔秦中士子如王國解經邦王之案皆有名績後以志不得行而病猶奮起揚兵塞上中途而卒

王則之云文若近體清曠秀倩出入開元大歷之間

眉作輓熟語

有所思

長河直耿耿入夜起秋聲切切陰蟲響團團孤月明寒雲屯上郡野燒薄邊城顏苦思歸夕何時罷遠征

峯巒詩鈔卷三五

秋日同游攝山聽張元平彈琴

淨土自無垢茲山林木鮮窗旭上中峯萬壑浮輕烟導  
余人外侶雲房開洞天跌坐擎江色飄影馳杯前况有  
同心友冷揮七絃絃聲答松響曠爾生幽元申章寄  
危嶂無斃予周旋

宿唐洞寺

野寺大道旁短垣倚雲嶠舍策叩禪關平蕪恣延眺暝  
色還荒徑明滅寒原燒篝燈坐幽室皎月來相照未稅  
塵鞅勞已窺靜者妙夜半風鳴條不滅蘇門嘯

馬對

冬曦澹廣野沙飛昧崇岡匹馬循荒谿水結川無梁落

日阻三河野老僵路傍問之繫何人皺面髮且黃云是  
牧馬者十室九逃凶我茲不及壯頽然不我將君從檀  
州來不見五馬房房中日鳴鐘一笑傾千觴渠馬障錦  
裯而我囊無糧災沴苦頻仍蔽天來飛蝗猥云鳳凰食  
詎止瓜瓠傷一日不再饋芻秣安所望語旣動長悲涕  
下霑衣裳我亦司馬者寧忍去網張遼將新出關選騎  
赴沙塲疇知養馬家頽垣秋草長何日罷防邊歸彼華  
山陽

夏日過彭城登雲龍山

溽暑苦行役探奇憩塵鞅躡步躡幽徑仄磴便屨緇樅  
櫛蔽古殿清磬出巖響絕巘冒孤亭羣椒點虛敞東轉

崑明詩鈔卷五

二

大河流黃濤捲沈澗大風久不歌王氣尙砒礪薰飄散  
晨炊破烟旭日上平湖淨於席天開一鑑朗六月失炎  
蒸頓覺葛衣爽放鶴去何之巢松歲月長營營萬慮澹  
嗒然倦南往

黃華山瀑布歌卽隆慮山

隆慮峯頭雙結寺攬雲挂霧人罕至黃華老人耽未足  
片石尙留百餘字我今探幽凌層山山層水曲嵐風寒  
捫蘿冒險蹲危石石林青青翠欲滴一衲遲客開巖扉  
踈鐘遙度嶺雲白王母之池封綠苔上有噴虹挂鏡臺  
兩峽中斷通一線秀水孤峻何崔嵬峽轉徑仄猿沉語  
拂衣颯颯驚風雨瀑布挂壁垂亂絲于中小構石亭古

脫巾獨就孤厓坐仰瞰青天玉龍墮憑虛欲上萬仞峯  
狂歌踏碎青芙蓉芙蓉黯淡日將暮鬼嘯陰厓不可住  
渦旋澗黑窈莫測輕策不識來時路林深一徑轉冥冥  
燈火熒熒出縣城蒼茫回首杳何許猶聽淒淒飛瀑聲  
送何无咎之合肥兼寄劉海日

二月江南楊柳青石頭城邊聞早鶯鶯嬌柳暗鬪春色  
嘶馬出門重相憶何生立身俠且貧低頭不肯干時人  
吟來片片飛白雪孤雲高望空江津去歲相逢菊未老  
別時江岸深春草今日還開北海尊明朝已逐西江道  
握手踟蹰生暮雲風塵蹤跡歎離羣廬江應遇劉公幹  
白下詩名誰似君

峯明詩鈔卷三五

三

觀潮歌

三月十七雨如注觀潮冒雨江頭去崔嵬小閣倚春城  
縹緲白雲暗江樹遠山近山杳莫識千艇萬艇喧號呼  
忽捲洪濤噴雪來銀山排蕩轟奔雷頃刻但愁天宇漲  
倉卒還憂地軸摧舟人俱起潮頭向觀者紛紛色沮喪  
鯨吞鰲吸海勢翻瞬息不及登樓望須臾潮平雨亦止  
孺草青青夕洲起江面俄開遠岫雲沙頭忽落錢塘水  
遊人納屨返城闔稚子敲針釣江鯉遠樹參差隔岸橫  
布帆無恙中流行雪濤嘶滅鷓鴣夷馬燐骨烟銷勾踐營  
潮來潮去英雄老千古漁歌一葉輕

贈友生

及生行年踰半百面骨峻嶒頭未白吳下爭高任俠名  
南山坐滿文章伯一塵正對秦淮灣簫鼓中流時往還  
日射小樓無所事開窗滴露點春山

峽石驛

古驛萬山深霜高氣自森丹良流衆草元兔照孤吟夜  
靜水喧瀾峽明燒隔林通宵不成寐哀響散清砧

秋日河上

細雨蓮花口秋風瓠子宮開帆青雀上卷幔白雲中沙  
鶯喧高浪長隄走斷蓬不堪唵望苦嬾慢羨漁翁

晚投清江浦

淮水吞江浦孤帆晚復開樹移沙岸轉波逆海潮迴人

崑明詩鈔卷五

四

語迎村雜漁燈拂棹來繫舟猶未穩寒漏已頻催

春日懷適園

記得南來候寒林凋碧梧好花忽冒蝶密葉已藏烏旅  
思春應減愁心興轉孤誰云勳業在憔悴老頭顱

旅懷

古驛雲開動使星明燈孤榻燦青萍西來衛水城陰轉  
東漚天津海氣冥誤採白蘋悲遠道自應黃髮老巖扃  
歸帆去棹元無定滿地山光入眼青

發靈寶縣

一水西來曲抱城新秋雨色望偏清馬頭青嶂千尋起  
樹裏黃河一片明入部星光催漢使近關人語半秦聲

峇峩二華知何處遙見氤氳紫氣生

雨宿潼關

明燈虛館淒清夜細雨蕭蕭亂客腸秋入關門悲鼓角  
年來驛路老星霜家臨濟水菰盧白壠接南山黍穀黃  
千里故園愁阻絕夢還京國亦他鄉

會盟臺

城角秋陰慘不開蕭條獨馬共愁來盟秦客散浮雲盡  
擊缶臺空暮雨哀沙岸有風吹斷鴈荒原流月冷深苔  
惠昭久矣俱塵土灑水潺湲首重回

寄焦山

渡江兩上江心寺忽憶焦山昔日遊數里無緣攜艇至

峇明詩鈔卷三五

五

孤峯何處使人愁蒼苔空鎖焦君洞風雨誰登郭氏樓  
遙望白雲平明滅江聲清夢雨悠悠

壬寅春正三日錢五卿同秀上人冒雪訪余吳門  
各贈以詩次韻爲別

金昌忽枉木蘭舟沙鴈汀鷗各自求雪色壓城疑上月  
江聲入夜似驚秋棹船不淺王猷興卓錫還同惠遠遊  
信宿莫辭歸去晚疎燈密霰下長洲

秋夜聞笛

銀河耿耿桂輪香短笛悠悠韻正長乍聽一聲來別館  
何人三弄據胡牀吹沈邊月寒生暈哀助江鴻夜度霜  
不是愁人亦愁絕况逢征戍憶遼陽

舟中雜興三首

兩岸山相似舟移曲不妨回看京口盡落照下丹陽  
星曙烏聲起舟人里行槳纖纖一鈎月斜挂疎林上  
朝發慧山麓暮泊閶門里夜半寒山鐘遙落吳江水

古陽隄同杜孝卿望太行

水南門外風雨愁借寇亭前泌水流箇箇沙禽眠渡口  
見人飛過亂山頭

清泉寺二首

滿谷西風椒葉稀穿林片片凍雲飛荒原車馬應無數  
閒煞高僧在翠微

參差石磴挂香臺風到禪床埽綠苔清磬一聲山欲暝

峯巒詩鈔卷三五

六

悠然雲盡數峯開

華巖寺

逢僧宛宛著袈裟小閣焚香日易斜市遠不知春已暮  
滿山開遍石楠花

金陵春詞四首

晴雲曉壓石城孤江樹江烟澹欲無梅雪未殘靈谷寺  
東風已綠莫愁湖

十二天街月正饒翩翩裘馬狎春宵遲明絃管聲逾急  
不道風流減六朝

秦淮柳色弱於絲十里煙花澹蕩時明月一灣開水閣  
何人吹徹玉參差

桃花塢裏花爭開  
日日尋春載酒來  
向夕長干望歸騎  
無人不是看花回

長安冬夜詞

自昔岩巖上京朝  
朝車馬縱橫千山夢  
越鄉國一枕寒  
生客情樓外塞鴻悲  
切窗前叢篠淒清沈  
吟永夜不寐  
濁酒無人自傾

宿青柯坪

玉女峯頭日暝  
仙人掌上雲封  
一枕夢清塵外風  
壽亂

捲寒松

曹璜三首

璜字伯玉一字于涇  
益都人萬歷丙戌進士  
歷

崑明詩鈔卷五

官通政司參議

山東通志璜出守西安先後議職造三十二事礦議九事作常

平河渠刑罰耕植社師諸議永著為例秦人損之設開過牌事有偶誤雖申行必請更易巡行州縣一僕一馬一書吏人不知為守也入覲不持一物飽當道舉清官第一丙辰大饑疏流亾之狀凡數千言繪圖

欲上之未上而卒  
按曹公兄弟皆為名臣弟珍改名琬歷官尚書明史有傳通政有記略入冊備載一切議狀詳切如古循吏所為册有名字小印蓋曹氏舊本今存北平黃氏養素堂中詩止十餘首錄一二以存其人云

舍弟移居入城歌以志感并示弟二

朝日何所追時至不可道  
策杖出遠村荷鋤理秋草  
秋草深且長根株故相保  
一牽一亦萎幹折根亦槁  
莫恃結根深壅培恐不早  
棄鋤涕沾襟守根以終老

岐路不可回天命誰相虧生平常寡歡多病復我催風  
塵吾已倦毛羽甘摧頽兒孫身後形吾生安貽之虛無  
求仙人蹉跎合心悲荒村走饑餓往矣心事違傾水不  
可收吾行將安歸

寄用韋弟

伏枕經年病未蘇  
儵然幽意老菰蒲  
不知畫省仙曹客  
擬借專城事有無

朱延禧 三十一首

延禧字允修聊城人萬歷乙未進士改庶吉士  
授檢討歷官建極殿大學士吏部尚書贈太保  
諡文恭有畸齋詩

山東通志延禧在位值魏璫  
弄權楊左逮獄力救不得大

岩明寺鈔卷十五

八

言曰天地好還安殺必有報矣璫聞銜之己內  
傳獎魏璫勅稱宗臣延禧曰天潢一派始稱宗  
臣援筆易之璫大怒遂  
引疾歸璫詠屢薦不起

秋蟲

候蟲響何處獨客坐沈吟歲月驚涼序蹉跎感壯心青  
燈鳴夜漏虛戶雜秋霖况復西風急歸鴻欲滿林

感時

樹隱昭陽倚碧空年年絲管度春風多緣羽獵君王少  
不遣井熊入夢中

中秋

寒風瑟瑟吹庭樹明月娟娟照帝城秋半共憐今夕好  
天涯况聽遠鴻鳴星回雙闕青林淨砧響千家白露清

醉後狂歌渾不寐空堂那問紵衣輕

游九龍池

剡木千章合龍池一鑑平波搖歸鳥影柝響飯魚聲入  
座山光紫廻鑣石徑清還思陪歲事重對萬峯晴

春日游摩訶菴

乘春出西郭十里入空林花發長廊寂松深古殿陰香  
旒供客饌仙梵雜僧吟豈悟無生理先清塵外心

游寶珠洞

珠洞嵌虛空納僧巢其巖我本游樊人今開出世眼山  
山翠若鬟樹樹綠於染雨少澗毛踈風多石膚卷攜來  
步兵酒分得山僧饌歸途日色曛曉徑足重趺玉乳迸

雲根俗情若爲遣

岩韻詩鈔卷五

九

送吳人黃戶侯時朝鮮又有倭警

剖竹世江東新恩拜漢宮登壇行握豹入夢卽非熊寶  
劍千金飾珮弧百步工驚濤傳海外看爾駕長風

元日書懷

辛盤隨俗豈爲貧柏葉薰人亦自春未卜窮愁緣歲改  
那禁花柳逐年新思親喜報平安使畏客猶交澹蕩人  
儼買扁舟未得去素衣遮莫染緇塵

早春摩訶菴尋幻上人同薛伯起

玉壺貯美酒泥屐訪僧勞漏覺蓮花永經支貝葉高茶  
光團雪乳日色暖松毛浪說耽禪寂貪名笑我曹

絕句三首

抱甕學園丁澆花及曉旭蝴蝶夢初醒黃鸝啼未足  
被髮踞巖岫清響落高岑誰識蘇門往猶餘鸞鳳音  
麈尾都欲禿曼衍笑卮言不解無爲理惟知有用煩

鼓琴

十指若撻懸有琴不解鼓興至拊朱絃四壁聞風雨

園居喜晴

山園積雨歇雲日弄清輝荷葉曝龜出松陰放鶴歸  
簞寒宜客夢草碧上人衣愛此應難去焚香晝掩扉

伯濟閒開齋盆蓮初開招同社過賞有作

小院蘿軒暑不侵紅蕖立水影沈沈微風度雨杪香發

峯明詩鈔卷五

十

赤日蒸雲佳色深涼夜有情同我醉汗泥無染似君心  
何當更盡深杯興露柳垂垂月隱林

栖霞送聞斯

一宿青山送爾行南朝古寺夜鐘聲禪房坐久無言說  
祇聽松風對月明

王京兆招遊一線天弘濟寺同子興元介君美

爲送將歸客登高俯碧流空江澹遠岫疎樹露長洲背  
日行陰壑懸厓見佛樓天涯朋好合重憶去年遊

程生

不儒亦不宦生不把犂鋤案有龍文鼎樓懸鬘尾書大  
家牀笏擁游子橐琴餘遲爾話山水秋園小摘蔬

得請

誰道當年十八公，羸身正合隱牆東。  
鳴蟬嘒嘒迷高樹，來鶴翩翩下遠空。  
種豆歌殘人已醉，買山錢盡歲還豐。  
蘆花近渚風波外，白首爲漁樂未窮。

梁伯濟不與秋闈中秋招飲集雅堂

途窮似覺天地窄，抱玉出門逢眼白。  
龍文夜失司空徂，三尺寒泉土花碧。  
胸蟠矛戟貫元精，世人爭呼文章伯。  
更手韋編四十春，道暉高帽仍大屐。  
喜君有友嗜痴人，沽酒拉君歡秋夕。  
唾壺擊缺恣談鋒，懸流如畏天潢斥。  
夜闌主醉客不言，明月荒荒笛裂石。

平原雪酒歌

崑明詩鈔卷三五

七

平原督郵古來爾，今時抄有張公子。  
七百斛秫了麴蘖，斟取蛾眉天半水。  
水木老霜寒釀雪，天小槽滴酒類潺湲。  
鮫人入夜珠還泣，石髓迎風液不堅。  
中山千日事恍惚，蘭陵琥珀輪瑩滑。  
仙家上藥有瓊蘇，清光如鏡流明月。  
百壺餉我泛玻璃，滿座爭誇顏色奇。  
應教歷下秋香妬，未許邢州菊露欺。  
謫仙久別長安陌，采石江頭時濯魄。  
但使朝朝中聖人，何須更問門前客。

和白文學春日登仲連臺

身居射書里，春登射書臺。  
大邑萬家連地起，雄城百雉倚雲開。  
燕將當年守欲死，一矢能留萬生齒。  
陵谷千秋有變遷，不知遺址今誰是。  
太守風流慕古人，高臺新築

鬱嶠嶠樓臨大道瞰隍水欲借清風灑路塵

春宮怨和白文學四首

深宮獨語背花陰日日遙聞鳳吹音昨夜君王新入夢  
喜懸秦鏡照丹心

薄薄鴛鴦衾絮八蠶春眠况味夜來請玉階露泣花光濕  
臥聽流鶯閣道南

忽聽紫燕落梁塵又是昭陽桃李春似說春遊宮伴出  
不知辭輦更何人

寶鴨香消玉漏殘百花笑日亞闌干小鬟喚起看花早  
金鳳羅衣不耐寒

花下歌

峯巒詩鈔卷十五

三

杖頭酒錢只一百少遊之車乘下澤世事不解囁嚅翁  
清晨驅入衆香陌解錢沽酒花下斟臥聽野鳥鳴格磔  
厨中不誇四部書場上喜收十斛麥麒麟豈用兔罝求  
鳳凰還將腐鼠嚇既知文籍不如錢卻怪阿翁無錢癖  
初度

百年赴壑蛇愚人營不朽豎亥雖善步能與日競走我  
生本骯髒適俗韵奚有不悲雪上顛豈慕印懸肘已聞  
至人訣積精蘊氣母漫浪尙不爲何況享敝帚但欣狎  
麋麇不識畏朋友鴟夷幸有腹飽瓜豈無巨瓶蓄禹餘  
糧盜種堯時韭細和百一詩痛飲九三酒且莫責知非  
明年四十九

漫興

古戍斜陽明斷壘孤城晚堞噪歸鴉可憐荒蕨田園後  
樹裏炊烟知幾家

東遊道中

人世浮沈百感生青春約伴愛山行風吹楊柳依依曉  
雨洗桃花灼灼明麥上露光猶泣日峯頭雲氣欲占晴  
陽崖多少神仙窟方外閒緣結未成

病作

膏肓泉石樂融融瞥眼鶯花一病中我自觀濤矜起色  
誰能草檄愈頭風幸逢仙客留丹訣欲問禪機落箭鋒  
脈脈寸田迎善氣要於此地遇良工

楊夢袞

九首

岩明詩鈔卷五

三

夢袞字龍光青城人萬歷乙未進士改庶吉士

歷官工部尙書有岱宗藏稿

擬古二首

束髮觀奇書亦欲營千秋壯士有烈心往往招愆尤吾  
道直如弦焉能變爲鈞方柄而圓鑿行行君且休

良夜掩重門萬籟何闕寂寒雨西北來蕭蕭階下滴孤  
衾不成眠搔首向空壁百憂紛然集無端抱戚戚人生  
天地閒倏忽如過客有酒且高歌聊以娛今夕何爲慮  
來茲兼復及疇昔浮名與虛華碌碌頭顱白

谷鳥

結廬紅塵外興來欣獨往空谷不逢人但聞清磬響  
提隔雲蘿浮圖何虛傲鶴鶴盤天風望之心神爽巖花  
開復落鳥雀依林莽喧啾竟何言如喜桑麻長瞻彼山  
梁雉飲啄恣偃仰悠悠大塊中飄然脫塵網夕陽欲西  
下山色忽曛恍寒鴉帶白雲三三復兩兩矯首望長空  
天際真人想異哉樊籠客繳羽徒勞攘

樵逕

秀絕千仞峯青靄紛如簇鳥道掛懸崖縈紆接山麓林  
深不見人丁丁日伐木烟嵐翠欲滴染我薜蘿服長林  
豐草閒偃息同麋鹿晷晷商山芝采采動盈掬苟可療  
吾饑何必千鍾祿湖上逢漁翁雙鯉烹且熟斗酒坐相

宏明詩鈔卷十五

古

邀長嘯震空谷

夏日園林三首

竹樹娟娟淨幽人獨立時披襟天籟爽倚杖夕陽遲壁  
舊饒蝸篆園荒蔓兔絲蕭然臨眺罷對酒有新詩  
不盡杯中物其如兩鬢霜乾坤生是寄日月醉爲鄉景  
霽臨花樹雲深臥草堂興來還荷鋤笑殺竹林狂  
落落風塵裏山來意氣疎孤雲閒自卷老鶴竟何如事  
業吟梁甫文章奏子虛丈夫軀七尺肯嘆食無魚

寄答高進士

爭傳文字逼西秦彩筆如花萬象春賦罷三都紙貴  
歸來四壁笑家貧蛾眉此日真堪妬龍性當年不易馴

聞道千金求駿骨祇今伯樂是何人

頤生

翠竹滿林烟滿隄溪流宛轉令人迷高僧坐說無生法  
野客獨往青雲梯花前小酌清風至松下閒眠紅日西  
寂寂邱樊車馬絕春來唯有幽禽啼

胡東漸二首

東漸字向若章邱人萬歷乙未進士官操江巡

撫僉都御史

府志東漸在江南時魏瑞正熾索寄庫銀數萬力持不與又不拜瑞

祠罷歸時論高之

上方井

一泓甘露泉諸天此供養巖下出飛流瀑布三千丈

崑山詩鈔卷三十五

五

神仙院

孤嶂出羣峯南作招提境借問來遊人何如在鷺嶺

趙秉忠七首

秉忠字季卿益都人萬歷戊戌進士及第第一

人授修撰歷官禮部尚書贈太子太保有崑山

集自序迂拙之性癖在山水簪笏十一巖棲十

九鳥語魚行烟歌竹嘯隨天籟所至詠而成詩聊以遣興而自適耳

宮詞

朝朝長樂鐘夜夜未央月君王不時憐容華坐消歇

雜咏二首

陂水澹生烟野樹寒雲積幽人騎鶴還空翠倚天碧

茅屋對秋江蒼然見林樾燕坐觀無始澄波下明月

元泊草亭

荒圃孤亭立高雲天際涼地清山雨近野曠海風長竹  
抱千年節松園四壁蒼堆書聊自適非擬草元堂

送張水部南歸

平子歸田去山川賦舊遊遺榮纔北闕高興已南州鱸  
膾三江早扁舟五月秋襟期知曠達尊酒但離憂

送宋元昭

麟編舊是魯諸生燕領新懸塞土名自有黃金酬駿骨  
何妨萬里度龍城 豈敢論 僕射真堪托父兄

幕下從來多國士任安今屬衛長平

岑詩鈔卷三五

秋懷

青樓明燭擁紅粧錦薦金爐秋夜長獨有西隣自守女  
當窗辛苦織流黃

侯正鵠二十三首

正鵠字中鵠鄆城人萬歷辛丑進士官漢中知

府有亦詠草交聲集

縣志正鵠初授太原推官用法平允風裁獨著神韻

閑遠不喜勢緒以守歸里中若不知有侯氏

性亦情則可以咏故題其詩曰亦咏豈遜轍於

前車抑襄裳於獨往耳諸所結撰敏如注射而

秋杪曉行

辭夢凌晨色衝霜破曉寒林空踈葉下天靜幾星殘路

八長橋細烟縈四野寬年年從此去馬上見秋闌

和鼎陽陳先生雪途韻

朔風吹不斷日盡遠天垂幾點人家暗千峯雲外疑寒  
烟縈野馬古木隱饑鴟獨有郢中客能裁白雪詩

柏林寺寒食二首

春光千里動翻覺客情闌鴻鴈風前斷青山天外看酒  
從燕市白食向薊門寒不盡浮雲意悠悠老鷓冠  
自愧山東妙堪調知北遊紅塵憐淨域風雨滯幽州寂  
寞看歸鳥蕭條問蒯緱誰將燕市酒不抵故園愁

送羅坦虛遊梁欲訪二少

羅善醫能詩

振策梁園去相隨鴻鴈羣西風吹白日落葉起黃雲行

宏明詩鈔卷十五

七

有三年艾兼攜七發文應知消渴者同調更憐君

夜讀莊子

寂爾息羣動孤齋澹自依朔風城角斷寒雨夜燈微坐  
入空濛理相忘杜德機形骸元是幻蝴蝶莫勞飛

冷泉關

關門臨峽斷燈火下危途泉落千峯冷河流萬壑趨空  
城猶擊柝清夜不防胡霜淨寥天闊高懷片月孤

妬女祠

幽尋饒異趣登陟自忘疲窈窕山靈徑蕭條妬女祠碑  
殘文字在篆蝕姓名疑空夜時風雨應嫌月似眉

山家

白石磷磷碧池塘處處幽鳥鳴深澗寂客醉晚風秋野  
老方爭席山靈迴自愁明朝車馬散門巷鎖寒流

定襄道中

不盡塵冥色午風吹日黃空林愁鳥雀虛隰下牛羊世  
路襄城裏浮雲古道傍孰多酬仲得我欲混高陽

九日無菊憶所知

蕭瑟秋風老空城隱日斜支頤看過鴈倚檻數飛霞三  
逕篷蒿沒十年故舊賒卻憐陶令宅籬畔有黃花

王春八中確山道中

趨府乘春令驅車戒上途烟明山氣王雪霽草根蘇野  
色迷歸鴈寒光帶夕烏馬頭疊嶂起何處見平蕪

峯明詩鈔卷三五

六

有感

坐看三月暮愁盡可憐春酒豈高陽舊詩難薄俗新周  
旋應作我癡黠半隨人欲問悠悠意江頭有白蘋

王夫子歸自武當述見

蕭蕭白髮認行年老去王猷興更偏幾箇烟霞元嶽屐  
三春日月遠遊篇淚無峴首看碑墮人自鹿門懷古旋  
莫對青尊說漢水滿江風雨正茫然

閒居聞笛

荒徑蕭然晝不開坐澆魂礪有銜杯西山爽氣朝相近  
天外浮雲暮自回閒伴松閒孤鶴語醉呼臺上野鷹來  
辟蘿深處紅塵斷一笛輕風到落梅

釋普

三徑深開合有朋，往來來意興幾人曾。  
陳蕃元自須徐穉，郭泰何妨並李膺。  
下榻一時名更起，共舟千載事堪憑。  
絕交那必論高士，如此風流雅不勝。

河曲夜舟

黃河落日掛帆行，蕭鼓中流壓水聲。  
星斗滿船紛歷亂，青山兩岸鬪逢迎。  
晉人久識夷門道，秦俗仍憐使者名。  
總爲風塵催物役，夜深燈火下高城。

過虎祁故宮

驅車何處不飄蓬，衰草寒烟弔舊宮。  
故國山河懸夜月，荒亭禾黍亂秋風。  
晉人猶自憐師野，魯客依然問叔弓。

崖明詩鈔卷十五

九

試奏清商渾自語，當年盟會有誰同。

元日行晉祠有懷罷酒

獨遊元日攬芳時，十里晴雲晉水湄。  
凍色猶含風谷口，春光先到叔虞祠。  
西山積雪銷桐葉，南浦流烟冒柳絲。  
想使佳人能命駕，肯懸石甕冷金卮。

雪後獨坐

鴉散遙空省署孤，西山高雪照香爐。  
松披宿霧流蒼翠，鶴倚晴雲看有無。  
戀闕新寒生殿閣，思鄉旅病未江湖。  
天涯消息仍南北，淚盡窮交一酒徒。

出關

颯然回首已經春，歸馬蕭蕭衝路塵。  
千里哀猿臨渭斷。

一聲啼鳥出關新自憐芝草寧辭漢爲愛桃花豈避秦  
莫遣江山知此意商巖妬殺武陵人

汾水弔古

水可亾人國決流灌晉陽寧憂韓魏趙生欲蔡臯狼開  
謀垂城下羌戎接軫旁車中交肘足沙上裂封疆已矣  
三雄盡空波若箇長

歷下送客

一尊酒盡灤源孤城上遙啼隔水鳥喚起青衫人不住  
西風愁殺大明湖

宋燾六首

燾字岱倪號繹田泰安人萬歷辛丑進士改庶

岩明詩鈔卷五

三

吉士官御史有青崑居草

王楷繹田先生傳先生以御史巡按江南

宦情頗澹嘗作我思泰山高八首以寄意俄以忤權貴請告歸中途上疏救姜士昌左遷遂不復出天啓初鄒元標爲請恤贈光祿少卿

夏日陳祿生招飲

夜分頻勸酒杯影倒星河共得閒中趣常思雨後過久  
淹精佛理半醉學樵歌白社他年好青山有薜蘿

病起

客中三伏過病起二毛侵能學燕人語常懷杞國心習  
書搜舊帖覓句得新吟海畔風塵滿無勞嘆陸沈

竹林寺

僻性尋幽壑相逢麋鹿羣林迴峽口合徑曲嶺頭分絕

澗過青鳥孤峯出白雲山僧煎苦茗可以洗塵氛

秋日寄懷同社諸丈

天際長風拂地來夕陽鴈過塞雲迴故園極目八千里  
小閣消愁酒一杯漠漠輕煙梧葉落霏霏寒雨菊花開  
涼宵展轉鄉心切况聽城頭畫角哀

贈羽客韓某

斷岸重門傍水開仙居果是遠塵埃臨流浴鶴溪雲起  
倚樹聽猿海月來五嶽何人棲勝境百年空自戀凡胎  
與君共結長生約一入蓬瀛更不迴

自適

卷幔對竹林塵空絕餘想池水照天青意與孤雲上

宏明詩鈔卷五

三

宏明詩鈔卷第二十五

澗嶽重門對水開山岳果是遠塵埃  
臨流浴鶴溪雲起倚樹聽猿海月來  
五嶽何人棲勝境百年空自戀凡胎  
與君共結長生約一入蓬瀛更不迴

自適

卷幔對竹林塵空絕餘想池水照天青  
意與孤雲上

澗嶽重門對水開山岳果是遠塵埃  
臨流浴鶴溪雲起倚樹聽猿海月來  
五嶽何人棲勝境百年空自戀凡胎  
與君共結長生約一入蓬瀛更不迴

澗嶽重門對水開山岳果是遠塵埃  
臨流浴鶴溪雲起倚樹聽猿海月來  
五嶽何人棲勝境百年空自戀凡胎  
與君共結長生約一入蓬瀛更不迴

自適

澗嶽重門對水開山岳果是遠塵埃  
臨流浴鶴溪雲起倚樹聽猿海月來  
五嶽何人棲勝境百年空自戀凡胎  
與君共結長生約一入蓬瀛更不迴

山左明詩鈔卷第二十六

高出 五十四首

出字孩之萊陽人萬歷戊戌進士歷官河南按

察使左遷廣寧監軍副使有鏡山菴集馮元成云孩之

詩能不襲陳言 明詩綜詩話孩之詩如蘋婆

果初熟食之味雖近酢猶勝冬月儲藏較同綿

仍狂士垂肩竟老人至今傳誦之

按副使登第年甚少為詩才氣溢溢力避軟俗

過於猛健若掇其菁莪自可步少陵之武參北

真定道中

居庸懸木末雪色淨車塵貧女無時嫁饑年有棄人荒

烟墟壘積古骨野沙陳末俗生堪畏清時怪任真

崇明詩鈔卷二十六

春日感事

春色宮雲外桃夭又落花諸曹蒙切責上意貴無譁新

柳啼鶯隱晴波點燕斜誰憐漆室女嘆息豈為家

哭段生寥廓

往時從意氣之子竟飄零一夜山陽笛西風淚裏聽

登城晚眺

落日輕烟萬竈分登臨春盡野花紛太行一望青如雨

漳水羣飛白若雲天險井陘秦郡縣邊聲細柳漢將軍

悠悠國士論千載豫讓當時獨不羣

秋日病懷

藥餌經搖落人閒伏枕空衣裳他日薄砧杵故鄉同不

寐芭蕉雨多聲薜荔風五年高臥望滄海白雲東

別歌行示若駢姪

登樓東望東海東秋雲如練如卷蓬或如牛馬如蟠蝨  
羣山遠近歛如風舉觴飲汝那肯醉低頭噎結不得意  
十八射策未爲遲暫時偃蹇何須恚五年我頻送親屬  
一歲再三別骨肉久客畏見還鄉人初尙吞聲今慟哭  
突看及汝頭角成何怪汝叔鬢毛禿縱令趨捷讓時賢  
但勿昂藏效汝叔八月十六病未痊鴻鴈哀鳴西風邊  
菊蕊初苞孤亭烟石瀨驟落霜涓涓白馬驕嘶麾玉鞭  
竦身欲上仍遷延顧望不見忽若失獨行淚落迸寒泉

秋晚送王子

山陰詩鈔卷三十六

二

社燕泥乾野鷗飛淒清霜露送將歸此行處處寒砧急  
想得途中見寄衣

冬日雜詩

寂寂空村裏依依一徑微朝霜晞版屋短日過柴扉犬  
吠寒山應鳥啼凍雪飛問誰頻舉火卒歲嘆無衣

春日東山道中

春行清曉接氤氳匹馬時逢牧犢羣藥草問人知種種  
桃花媚客故紛紛丹欣海鳥文如畫白見靈蛇氣吐雲  
不哭途窮還興盡逍遙好訪稷邱君

雪中登岱

絕頂蒼茫割太虛羣峯一半落青徐天門日觀遙相望

玉檢金泥信有諸松柏  
尙含秦漢雨雲霞  
常護帝王書  
老人神異肩垂耳  
獨采菖蒲積雪餘

德州道中

京路通千里  
春河聚萬艘  
車書天下遠  
風物日邊高  
塔廟還興作  
輪蹄互殆勞  
栖遲怨行役  
何處憶同袍

過山中戲作

陰姬偃月翠眉新  
元石三年醉裏春  
近道中山多薄酒  
也如燕趙少佳人

盧氏行示吏民

洛流轉巨石  
山盤不容車  
城邑拱周垣  
四面塞交塗  
修畛被危岑  
罷民安穴居  
君子審憂患  
小人寡懼虞  
公檄

宏明詩鈔卷二十六

三

滿百適狎習  
容忽諸蒲鞭  
竟欲施其柰  
侮吏胥  
孰云官帑實而無  
百金儲  
早魃矧爲虐  
麥乾豆苗枯  
老弱見菜色  
子遺棄井廬  
寧忍繭絲理稅歛  
積歲逋前賢之所寬  
追呼胡爲余  
陽城催科拙倪寬  
課殿初上官督責  
急切違慢誅  
蓋爲國賦爾  
王事亦難紓  
力殫才不贍  
所願姑徐徐  
徐聖明罷采金山  
澤氣頗蘇穀爾蚩蚩  
氓終事輸田  
租余忝爲父母  
乳哺畢區區  
又何獄訟煩  
鳥獸而駭吁  
誰司教化者  
無狀有是夫  
閉門自思過  
告誡百姓愚  
我腰減束帶  
意欲歸鄉閭  
上負報天子  
下愧許微軀鄙詞聊可獻  
一當流涕書

盧城雜詩二首

路絕攀雲窟峯回倒日車秦山時鬪虎洛水不生魚夸  
父思隨杖神龜已闕書由來辟地客吏隱兩何如  
北山蹊徑渺廻復入微茫陰隲偏嫌黍陽崖間有桑烹  
鮮會不效害馬况多方元亮真高節歸來興甚長

立秋閏六月十五夜二首

閏夏驚時序初秋憶別離梧桐看欲老絡緯最先知風  
雨孤城臥山川七月悲洛陽頻甲子回首去年期  
鄉關三月信羈旅四時情短鬢如蒲柳空山老杜蘅月  
圓金狄影露暗玉壺聲飄泊乾坤內風語又號城

洛中感秋二首

紅樹印山路西風颯已驚東京有遺事遠客不勝情金

嵩明詩鈔卷二十六

四

谷銅駝地周公召伯城二毛動秋興三十豈成名

浙浙鳴秋葉蕭蕭掩客扉雨青嵩少遠霜碧澗瀟微王  
霸曾龍戰關河自鴈飛由來不在險覽古興多違

苦寒行二首

山川歛仄軋冰雪鳥獸無聲天地裂羣雲凍坼古木泣  
元窟千尺老蛟蟄空城米價劇太高無酒無褐首獨搔  
妻兒不言勸歸去面赤耳熱愧汝曹

維水一丈冰八尺元陰汨弗四方白虎豹索食生向人  
鴟鴞啄雪深留迹男兒壯歲無所成不如抑首服巾幘  
不見虬龍隱長松時哉時哉爲誰惜

荆荊廉伯鶚過詩有贈

中原傲吏倦游遨佳士過從倒布袍忽漫風塵一歌哭  
居然天地兩荆高秋雲聚散隨踪跡落木蕭疎類鬢毛  
仙骨自應慚尹喜關門紫氣爲誰勞

觀南橋成同僚佐

不日橋成歡利涉酒杯僚佐共從容河中澹蕩東西影  
天外嗟峨六七峯返照虹霓廻鴈鶩寒濤鱗甲動魚龍  
異時雪後騎驢跡好聽橫波寺內鐘

人日雪

中原節候正臘破又經旬人物陰晴日河山雨雪春書  
雲聊有紀傳茶獨無隣薄宦親輿隸他鄉且任真

夏日宦情四首

岩明詩鈔卷十六

五

請謁傷孤性周旋愧直躬微官多口裏時事腐心中河  
圻通秦晉天廻抱洛嵩朝廷虛鼎鼎日月正隆隆仁愛  
尋常見憂危百一同拂衣粗自解好在仗羣公

山城一事無閉閣滿青蕪辟地花深隱無名鳥怪呼小  
臣時慟哭薄宦日艱虞落落憐知己區區憶友于他鄉  
偏病喝故態愧如愚苦思東山臥松陰浸玉壺

敢論朝廷體虛防禍福幾庶人紛有議大老盡求歸百  
疏司農急諸邊保障稀十年難宿飽中夜哭無衣使者  
徵求峻山東水旱饑杞憂寧勿驗凡百仗天威

天王自明聖朝野更無人喉舌多虛席江湖滿逐臣掖  
垣空燕語臺柏坐烏馴責備三公數嫌疑八俊頓溫留

骸骨請略答股肱親小吏堪棲隱何勞嘆積薪

飲張尊

逃多謝客已三春空谷何因更有人爲問年來開酒日

紫薇花下醉張尊

九日夕靳孝廉杜太學同諸文學招飲別墅

佳節登高物色新同心對酒勸酬頻天青野迴寒臨洛  
月白山空斜照秦菊蕊霜凝如傲客竹枝風動宛疑人  
白衣潦倒非無伴落帽依稀記未真

野憤

三十六年秋高子居於號再觀燕辭壘感我留滯客葉  
墜洛水清虎鬪熊耳夕時物愴所懷山川察今昔嗟峨

入雲雪八月中天白羊懸蒼崖橫帶阡陌其人或  
巢穴其俗無蓄積催科更復拙課殿甘督責十載曉吏  
事頑鈍效涓滴折腰如尺蠖妻妾交不懌空谷幸無人  
內應時耳赤閒脂阮籍駕亦縱康樂屐庶少填委煩苟  
免多口讒四海仍小康皇帝威咫尺恭聞聖節前臺省  
已識百素蓄本枝癢觸義尤感激發抒在一朝議論孰  
準的意氣富指陳容易輸肝膈封事報寢多往往生彈  
射目見乞骸骨情詞各言劇跋壺諸大老不得施赤舄  
大小往復理未解九六厄元氣寄碩果剝廬獨安適夫  
誰作厲階至今餘毒螫天聽愈以高譴訟竟何益黨禍  
歷殷鑒賢者宜自惜爭亦羣小利危言徒啗噴虺蜮與

鬼狐影響襲其迹國事視勝負秦越比肥瘠君子處嫌疑虛名中一擲是時警水旱留都滿飄箠又聞天有聲蕩若風水擊頗覺蠢蠢輩萑苻互相索財誅力益殫威窮令並格腹心根本地難容鍼芒隙瀆粵事既往效尤殆非策督撫異處置纍臣服巾幗災異何足論泄洩味譬畫小臣妄解事忉怛內崩迫天子堯舜資式瞻四門關將順靡有終紛猢頰僻歸咎則無從釜鬻遂永隔乾坤氣日短萬姓生理窄久道無爲治詎淺祖宗澤東西屢埽除銘勒於竹帛綏緯誠過恤不敢不踟躕孤邑尙百堵流冗就襪襍絃歌猶未遑休養寬物役塲圃歲云晏青青荒隴麥天虛風動山日翳雲變石啾唧聽悲

皇明詩鈔卷三十六

七

號野陰起松柏潺湲淙流古苔漾寒碧聆空鶴鴻呼覽曠桑柘械初衣違未遠牢騷結蘿薜鳳鳥一浪出鷓鴣厲相嚇巍巍太祖功百世可憑藉海內自清宴四夷安交易東西閒懷貳關通得冰釋茲飭樽俎上昊天明於赫君臣審體勢密勿或參席恭默邁商高解絃合因革突兀彼一時豁此窮愁癖

至日

冰雪淹長至灰浮玉管深風雲看驟變天地恨多陰勿替微陽慮應知七日心荒城一登眺萬竈夕烟沈

小寒食發汝州

霧雨爲寒食風塵未改衣折腰春向暮回首興多違雲

物低哀壑松楸掩落暉紙錢烏鳥奪沙步鶴鴿飛伊汝  
行相及崆峒望忽微歎豔猶士女鞍馬豈光輝麥秀流  
亾屋花明闕寂扉幽淙轉石苦叢薄斷烟稀疣贅身何  
益支離淚獨揮驅馳勿復道飽聽不如歸

五月省野

僻地連山迴薰風進雨涼人家蠶日永野圃麥秋香戶  
網藤蘿翠園籠杏奈黃寡民來往少建德是何鄉

瘞二鳥行

官署畜一鸚鵡一錦鷄皆不樂雕籠之  
養展轉愁病錦鷄春沒鸚鵡秋亾命童  
子瘞焉作  
詩悼之

客鳥隴右鄖山閒來自萬里近亦千關山阻絕天邊烟  
鄉樹一別忘歲年本圖毛羽充君玩翅膠尾秃空蒙憐

差明詩鈔卷五

八

學語呼名借顧盼開婢嬌女色成妍家鷄側腦遲相向  
野鴟偷眼雲霄上病骨支離翼尙騫旅魂迷復神猶王  
區區梁稻非其情墮落低垂空引吭聰明文采祇自崇  
死脫雕籠得踈放春花夜月杜鵑啼秋霜赤葉鴻鴈饑  
有飛當附西歸翮化物或隨丁令威生不及支公鶴又  
不及右軍鵝棲托華署樂柰何爲君一涕仍當歌天風  
日暮山之阿

亭山園次道岸韻

野色臨高閣虛嵐落綺筵寒松拍雨盃淨薜蘿烟細  
逕分離斷春畦抱井圓暮塵憐市眼應接轉茫然

春日園居漫題

閉門流水環臺隱，几斜陽送杯黃鳥相求互語青山一  
片飛來。

舟中道上二首

村曠山童野草黃，天清馬放逐牛羊。丈人相敬供鷄黍，  
漸喜方言似故鄉。

十月江南未改衣，秋風張翰憶葦歸。可兒僮僕能知喜，  
恰及霜時蟹正肥。

下宮

峻嶒山勢入無垠，潮汨雲根灑氣新。錦石繁花天上出，  
珠宮疎樹鏡中真。春濃已負看魚鳥，海吼時聞怒鬼神。  
悵望安期生不見，恍疑風雨下仙人。

崑崙詩鈔卷三十六

九

署亭閒題

伏日蒸高枕，庭柯眷夕暉。微丹桑扈語，小碧玉娘飛。苦  
熱妻孥怨，因貧僮僕歸。觀池聊獨笑，瀟灑芰荷衣。

答贈劉載甫比部言別

五月江頻漲，家人苦鬱蒸。把君贈佳句，忽似踏層冰。爲  
別亦常事，忘情真不能。漸深交態後，知己感偏增。

江行

天地如欲夕，風颿吹未休。帆檣屯浦口，簫鼓入眞州。客  
役猶開卷，王程賴置郵。榜人歌擊楫，並起夕陽愁。

自德州買舟北上紀見

茫茫四野水，水鳥掠風帆。土屋無人閉，江艘有使監。新

魚隨罟得遺穗進桴芟出涕憂無象涼颿拂露衫

九日晚抵河間

勞筋奔走復霜秋初月空庭細菊幽對酒謾傷春日眼  
插花羞並少年頭馬嘶未遠交河戍鴈矯時聞古驛樓  
寥落半生狂不悔歸心差遣破鄉愁

由獻縣南行遣興

重霧孤城秋不禁露根官樹鬻波深居人新就魚蟹住  
行子猶聞蛩蛩吟霜雪盈盈淺葦胭脂片片落疎林  
經過十載悲歡地漸老那勝歲月心

夏日延暉樓絕句

蟬聲咽雨挽新愁禾黍蕭蕭赴早秋特地田家夕唱作

皇明詩鈔卷二十六

十

故鄉何恨亦登樓

雪後張肅之招同劉載甫鄭應尼張夢澤飲龍光

山亭子

無數新栽梅柳枝參差石立坐難移長公豈是耽榮者  
汲黯其如多病時春氣密迴銀燭夜雪光半映玉杯遲  
誰言數子猶寥落此會深憐造物私

春日同諸君過後湖

城帶春隄綠湖垂夜雨光樹烟明漠漠沙溆隱茫茫民  
數慮書府官曹列省郎久懷栖逸客誰乞質知章

野聞二首

旱魃吁何甚飛蝗况大東客秋傷秋雨寒風未減風稍

喜吾邦孰其如比屋空焦心憂二蝨蠢慟哭轉途窮

潢池纔欲弄青犢略知名沈命日相諱催科吏尙驚報  
仇東海母惑衆大方兵邱壑難安穩耕田計不成

見山中老人

乙卯冬予游皖山數道人來見有皓髮麗眉者借水擊踞詢之近百人也

其生平不甚記憶但云屬兔蓋正德己卯也距今八九十年矣長于六十歲自言少娶三妻皆以三子皆天絕老乃依並山居九十時猶力能把鋤眼能細鍼今猶視聽不衰老人山中草木年耳吾固自知狂馳半生者之果不及於此也山中人壽者多故紀以詩

老人蒙茸存髮齒何論家鄉與姓氏披裘帶索樂自知  
絳縣誰能數甲子鍊形大藥苦難真妻子若在應無身  
山中松柏看如許斷送悠悠塵世人

登巨峯頂是勞山絕巔

皇明詩鈔卷三

二

曉霧迷離野望寬天風故借海濤寒春樵穿石丁丁應  
大鳥垂雲剡剡看咫尺似通青帝座飄飄一笑白雲端  
自憐凡骨艱仙遇寥落浮生竟寡歡

送劉柘山侍御按部淮陽因訊錢公晴符

每慨澄清近日難書生莫負惠文冠霸圖剩有徐邳在  
王氣時憑茲錫看風俗舊存湯沐地艱危全仗紀綱官  
式廬珍重錢公問好爲蒼生起謝安

劉士驥十九首

士驥字允良禹城人萬曆甲辰進士改庶吉士

授檢討有蟋蟀軒草

李季重云允良舉南宮出曾太史門太史在闈夢李

于鱗謁之曉得允良卷遂取焉允良承于鱗之後不盡逐風靡其詩溫醇解快無不有之

塞邊苦寒吟

邊草白邊雲黃朔風吹人人欲僵朔風夜捲千山雪  
茫茫四野人踪滅水泉不流林木折瀚海層冰千丈結  
駿馬縮如蝟欲行還復蹶忍冷挺弓刀指墮曾無血  
驚沙滾滾肌膚裂漫思閨婦寄征裳關路迢迢首信絕  
畫角一聲霜滿天空枕鐵衣泣明月君不見將軍夜晏時  
狐白之裘金屈卮鐙前宛轉舞蛾眉軍中苦寒知不知

漢方壺歌

方壺之山東海東與波上下隨長風六鼇傾側仙聖散  
幻形飛入紅爐中良工製此漢何代質素似與商彝同  
當日春醪浮淺碧爛醉不知誰氏翁土花侵蝕千餘載

山明詩卷五

十一

中宵寶氣橫長虹以何因緣入余手爛然古色搖雙瞳  
雲中碧落隱復見雨後青山淡還濃半如丹砂含石隙  
半似翠羽棲蘭叢盡日摩挲渾不厭終身與汝長相從  
客言神物終當化得失母冒達人曾劉生掉頭笑不應  
呼童且插青芙蓉還期攜酒隨真侶醉跨東溟尋舊蹤

題子卿圖

禿節滯穹廬孤臣萬死餘歲深羊不乳天遠鴈無書報  
國丹心壯思鄉白髮疎千秋圖畫裏麟閣幾人如

九日

佳節同愁至孤吟到夜闌殘燈  
妻臥病細雨鴈驚寒濁  
酒終難醉黃花不忍看年年  
色好人事幾悲歡

送寒泉上人

空門無住著來往偶隨緣客路白雲遶禪心明月懸聞鐘尋野寺洗鉢向寒川想到東林下天花落法筵

送吳默冲之河津合

又喜除書下依然縣大夫斷山存禹鑿芳草滿殷都問俗刀爲犢來朝鳥是鳧丈夫宜建豎不必嘆驅駒

北墅二首

燕山久爲客舊業委荆榛不謂重來日依然四望春鳥啼如訴別花笑似迎人欲向菟裘老寧愁生計貧  
一別東山去歸來幾歲華舊隣翻訝客新僕未知家庭滿生孫竹林喧哺子雅所嗟容鬢改且賞未殘花

登樓

殘暑千家雨斜陽萬木蟬登樓望秋色何處不淒然宦况銷頽白年華待草元浮生是泡影吾意欲逃禪

至日用杜韻

蓬萊曉月照鸚斑萬國冠裳候聖顏廣莫風廻殘雪落攝提星轉一陽還遙瞻御輦瑤階上共想宸旒黼座閒  
空食大官無寸補每逢節序憶青山

蒲阪

到此淒然有所思欲尋往蹟悵何之西風綠草夷齊塚寒月蒼松舜禹祠雷首古今雲色麗黃河日夜水聲悲  
登臨已抱千年恨况是窮民野哭時

夜酌

雨過新涼病骨清  
高城凝望夕煙生  
百年浮世空杯酒  
萬里長空自月明  
卻憶同袍清夢隔  
時捫短髮壯心驚  
子虛賦就誰欣賞  
四壁蕭條綠綺橫

清明作

東風處處轉黃鸝  
和雨和烟楊柳垂  
春色王孫芳草路  
旅懷寒食落花時  
愁中白髮偏相逼  
病裏丹經強自披  
回首齊川暮雲隔  
松楸蕭瑟不勝思

秋興

西風一鴈度邊城  
日暮雲沙野火明  
白羽搖空來朔氣  
金笳吹月動秋聲  
胡兵猶擾長榆塞  
漢將誰屯細柳營

山陰明詩鈔卷五

十四

自笑窮年事鉛槧  
欲投柔翰請長纓

暮春

雨過飛紅亂委塵  
客中寥落度殘春  
垂簾兀坐如新婦  
燕子楊花故惱人

宮詞

垂鬟卽解弄銀箏  
拋擲多年玉指生  
聞道君王閱歌舞  
翻從幼女學新聲

秋思

鴻鴈聲中萬木秋  
故人和淚到心頭  
垂簾不放月明入  
明月自明人自愁

明妃

金屋秋深玉筍垂風塵千里轉淒其可憐塞上琵琶語  
還似宮中紈扇辭

有感

何人殿上爭如虎有客山中臥似龍白馬清流傷往事  
願隨沮溺學爲農

宋槃一首

槃字念菽樂陵人萬歷辛丑進士歷官兵部侍郎  
贈尚書有家居草

過史子敏盤河草堂

村居久矣罷將迎異縣逢君感慨生過嶺東西千里路  
對樽風雨一時情青霄歷歷歸鴻影碧樹閒閒野鳥聲

山明詩鈔卷五

十五

商略物情宜痛飲鬢邊白髮照人明

秦士文二首

士文字彬子蒙陰人萬歷甲辰進士歷官兵部  
尚書協理戎政

過南竺二首

旅穀登塲竹柵幽溪雲風散曉山秋禪林事事成今昔  
獨對寒峯感舊遊

豆花水漫露蒹葭面面晴山閣曉霞一片寒蕪秋色老  
西風幾日又黃花

王象晉二首

象晉字康字號盞臣之垣子萬歷甲辰進士歷

官浙江右布政使有賜開堂集

山東通志象晉為豫臬蘭陽王

方起大獄力持其平全活甚衆在浙左轄姚永濟以考成不及額下詔獄晉攝篆盡以所徵代

解姚得復官七十引年優游林下

二十年著書數十種年九十餘卒

按方伯家居至本朝順治癸巳乃卒後以孫

士正貴贈經筵講官刑部尚書前輯本朝

山左詩於林下遺老開亦載之茲於所未載者

悉依御選明詩之例收入前朝如方伯及賈

四塞宋澄嵐皆然不獨二姜顯載史冊已也陶

元亮固歸晉紀王無功亦入唐音是其義矣附

識於此觀者勿疑其非一例也

言志

通籍三十年息肩猶未得靜中自尋思永夜勞轉側來  
日苦無多胡不惜筋力富貴如浮雲百歲猶頃刻世途  
多險讖反復無終極何不早挂冠戚友相親暱西塾課

宏明詩鈔卷十六

十六

兒孫東臯藝黍稷早畢公家賦兼完私家逼濁醪聊適  
口麤糲堪供食八口可無饑四隣好為德時而曳杖游  
亦或曲肱息一事不縈懷兩耳常緊塞用以怡吾神尙  
祥華胥國

懷李繕部使江南

去秋送君行夏至人不至知君好壯游此行有深意南  
盡炎荒濱西窮黃源瀼山行豺虎藏水泳蛟龍避負弩  
有殊儀傳餐饒佳嗜長卿乘四馬題橋遂初志子長歷  
名山諸史因成記君夙秉高資撰述應盈筭文犀與明  
珠總屬達人棄何如覓異書相與探奇字

王家植二首

家植字木仲濱州人萬歷甲辰進士改庶吉士

授編修

州志太史在館嘗上書言時政得失爲帝所喜賜書及視所著書甚多三蒼學

史著史鑿青雲編莊嶽集等行世

王明府九日蓋公堂留飲同王元起

客興秋聲落木中  
追隨籬下意何窮  
竹垂玉露通新月  
花落金英任晚風  
清淨西京懷相國  
文章東武重蘇公  
到來鎮日留連地  
送酒白衣未許同

登琅邪臺

臺上秋風俯大荒  
側身東望思茫茫  
島邊蜃氣結新市  
雨後鯨波落晚涼  
南去樓船懷越絕  
西來輦道自秦皇  
雄心寂寞空千載  
海上何人有禁方

宏明詩鈔卷下

一七

郭允厚一首

允厚字萬輿曹州人萬歷丁未進士歷官戶部

尚書

春日綺里別業偶成

長阜堰清流背郭纔  
尺咫高樹翠拂空  
文杏爛成綺  
我願十畝閑  
葺此三逕址  
窗延雲野遙  
簷蔭松竹邇  
曲柯可懸瓢  
甘井宜洗耳  
巢許復爲誰  
千春碧流水

安伸二首

伸字振拙淄川人萬歷丁未進士官太僕寺少

卿有鬢麓漫吟

卽景

曲池疎樹裏日夕下秋陰荷已消殘暑泉猶漾曲潯花  
開笑人面溜響協天琴未許塵中賞惟堪托素心

觸事

雉羅誰設欲彌天鍛羽漂搖不記年已入深山狎白石  
猶驚密網亂寒烟

李中行 三十三首

中行字與之樂安人萬歷庚戌進士歷官貴州

糧儲道有澠溪草

家傳大參爲太僕愚谷之遠族初官郎署出守鎮江備兵

陝西擒巨盜姜之苞建倉築橋有惠於民魏甯  
臧挂冠歸再起貴州與御史爭大案出三百餘  
人罪因解官御史亦罷去仲

子煥章以古文詞鳴于世

文藻按原本李中行有傳無詩傳內有澠溪草  
先作有遁山堂集蓋其初誤以中行伯子遁山

皇明詩鈔卷三十六

大

堂集爲中行詩旣而刪去或未得澠溪草  
選之日今仍錄其傳以俟補李文藻記

10070

